

3

# Tractatus Tertius


# INSTRVMENTORVM

## MECHANICORVM

### LEVINI HVLSII.

*QVO TRADITVR DESCRIPTIO ATQVE VSVS*  
*Circini proportionalis IVSTI BVRL, cuius beneficio linea recta, cir-*  
*cularis, omnis superficies, Charta Geographica, figura arcus aut aedificii, globus*  
*cum quinque regularibus ac irregularibus corporibus, &c. compen-*  
*diosè apteq; dividi, secari, multiplicari, aut minui*  
*possunt, antehac nunquam visus.*

Ad Illustrissimum & Reuerendissimum ERNESTVM, Electorem Colo-  
niensem, vtriusque Bauariz Ducem, &c.



FRANCOFVRTI AD MOENVM,  
Ex Officina Typogr. Wolfgangi Richteri, impensis Authoris.  
M. D C. V.

*Cum Privilegio S. Caf. Maieft.*





## BENEVOLO LECTORI S.

Circini proportionalis descriptio, vtendi  
modus & officia.

**P**RIMO sciendum est, quod si quis Circino hoc  
vti, & nodum siue centrum mobile eius sur-  
sum deorsumue mouere velit, Circinus claudi  
debeat, postquam autem nodus ad diuiden-  
dam partem, quam lubet, directus fuerit, ne-  
cessario cochleâ astringendus est, antequam a-  
periatur Circinus. Quo factô, unusquisque prout volet eo vti  
poterit, & beneficio eius hac sequentia præstare.

- I. *Datam rectam lineam iuxta datam proportionem diuidere.*  
Hoc præstatur in ea Circini parte, in qua scriptum legitur: Partes  
datæ ratione lineæ rectæ——diuidendæ.
- II. *Datam lineam circularem in propositas partes secare, vbi  
scriptum est: Partes datæ ratione lineæ circularis diuidendæ.*
- III. *Datam figuram planam in similem multiplicare aut mi-  
nuere, vbi exstat: Proportiones homologorum plano-  
rum augendo——minuendo.*

A 2 IV. Da-

## AD LECTOREM.

IV. Datum Corpus, in simile corpus multiplicare aut minueres  
ubi scriptum est. Proportionones homologorum corporum  
augendo——minuendo.

V. Rationem Diametri ad circumferentiam circuli inuenire,  
ibi: Diameter | Peripheria.

VI. Circulum, Quadratum, & Triangulum in se inuicem com-  
mutare, ubi legitur: Reductio planorum.  $\square \odot \nabla$ .

VII. Globum & quinque corpora regularia, in sese inuicem  
transferre, ubi legitur: Reductio corporum  $O|C. P|G.$   
 $G|C.I. \& C|D.$

*Prostat Circinus iste venalis apud Iustum Burgi, eiusdem au-  
thorem, & me Levinum Hulsiun, & affirmare habeo, quosdam  
eundem alibi imitari conatos, sed in diuisione frustratos esse.*

Vale, & fruere.

CAPVT



## C A P V T I.

*Datam rectam Lineam iuxta datam proportionem  
diuidere.*



**P**RIMA pars huius Circini, quam hoc loco declarare proposuimus, indicat proportionem, iuxta quas recta data linea diuidi debet, vt ex hoc in Circino notato problemate intelligi potest. *Partes data ratione Linea recta diuidenda.*

Quod hoc modo fit. Primum pars nodi siue Centri mobilis, longiora crura istius Circini respiciens, in illum numerum mouenda est, iuxta quem data linea diuidi debet, ita tamen, vt Circinus prius rectè complicitur, & nodus cochleâ firmetur. Circino deindè aperto & longioribus cruribus in duo extrema lineæ puncta positis, tunc breuiora crura petitam partem prodent. Vt exempli gratia, sit recta linea a. b. quæ in 8. æquales partes diuidi, aut cuius octaua pars sumi debeat: Nodus mobilis in prædicta parte Circini ad numerum 8. mouendus. Tunc enim longioribus cruribus ad vtranque extremitatem lineæ admotis in a. & b. breuiora crura octauam lineæ partem, nempe a. c. ostendent. Atque hoc modo quælibet data recta linea, dummodo Circinus cruribus suis extrema eius attingere possit, in duas, tres, quatuor, & deinceps, ad duodecim vsque partes, diuidi potest.

Si verò maior aliqua diuisio facienda sit, quam in Circino annotata inuenitur, exempli gratia, linea a. d. si diuidenda sit in partes 15. numerus primo quærendus est, qui 15. exacte metitur, vt 3. vel 5. postea nodus Circini ad numerum illum mouendus est, vt pote in 3. atque ita tota linea diuiditur in partes tres, vt

A 3 vide-

videre est in linea a. b. c. d. Quoniam autem 3. metitur 15. quinquies, quælibet harum inuentarum trium partium, vt a. b. directione nodi circini, in 5. subdiuidenda est, ex qua diuisione prodit decima quinta pars totius lineæ datæ.

Quando autem Circinus lineam attingere non potest, illa ante omnia in aliquot æquales partes dissecanda est, donec Circinus vnā harum partium attingere possit: quæ postea iuxta numerum, quem quælibet harum partium complectitur, diuidenda est.

Exempli gratia: sit aliqua linea in 100. partes diuidenda, cuius quarta demum pars A. B. in figura apposita, Circino attingi potest, quare hæc quarta pars per quartam partem dati numeri, nempe per 25. diuidenda est, ex qua diuisione prodibit centesima pars totius lineæ, vt in figura A. I. videre est.

Quoniam autem non semper proportio lineæ, sed interdum proportio numerorum in contractibus emptionis & venditionis requiritur: Circini autem huius vsus in continua tantum quantitate versatur, necesse erit longā aliquam rectam lineam in certas partes diuidere, quæ tibi instar Regulæ diuisorie erit, & partes lineæ per numeros tibi exhibebit, vt linea C. D. ad figuræ marginem expressa docet, quæ à puncto C. in D. in 27 partes dissecta est æquales, quæ in moneta Francof. pro albis computari possunt, cum 27. albi faciant florenum vnum.

Prædicta Regula C. D. ex altero latere diuisa est quater in 8. partes seu denarios, qui faciunt albos 4. Cum 8. denar. 1. albo. constituent.

Numerus quoque 27. pro florenō vno accipi potest. Iam proposito exemplo: vna vlna vānit 4. albis, quot albis vāneunt 7. vlnæ? Nodus Circini ad numerum, de quo quæritur, vt pote ad 7. mouendus est, postea Circinus aperiendus, donec breuiora crura tot partes in regula C. D. prædicta comprehendant, quod alter numerus datus ostendit, nempe in hoc exemplo 4. rum lon-

### TRACTATUS TERTIVS.

longiora Circini crura, nodo Circini immoto manente, 28. partes comprehendent, atque totidem albis vaneunt septem vlnæ. Item vna libra vānit 3. obolis, quanti vaneunt 10. libræ? Nodus ad 10. mouendus est, & breuioribus Circini cruribus 3. partes comprehende: & longiora crura prodent 2. albos & 5. obolos, & è contra. Item 10. libræ vaneunt 2. albis & 5. obulis, quanti vānit vna libra? In hoc & similibus exemplis Nodus admoueatur ad 10. longioribus deinde cruribus ad 2. alb. 5. obulos in regula notatos admotis, minora tres obolos denotabunt, æstimationem videlicet 1. Item vna panni vlna vānit 2. s. 3. albis, quanti vaneunt 16. vlnæ? Hæc quæstio, prout proposita est, motu nodi Circini ad numerum 16. solui non potest, quoniam Circinus 12. tantum partes continet, quare numerus 16. bifariam secandus est; & per modum Nodi in 8. inuenietur pretium 8. vlnarum: quandoquidem 16. bis in se 8. complectitur, Pretium quoque inuentum (nempe 16. s. 24. albi) duplicandum est, & pretium 16. vlnarum erit 33. s. 21. albi. Consimili modo si de 17. vlnis quæstio instituat, primum quæri potest pretium 10. inde reliquarum 7. vlnarum, quæ summæ postea additæ dabunt pretium 17. vlnarum.

Eodem modo possunt etiam numeri, qui in regula diuisoria cruribus Circini comprehendendi sunt, diuidi, aut eorum partes aliquoties sumi, si diuisio maior sit, quàm vt Circino attingi possit. Exempli gratia: Vna vlna vānit 14. albis, quanti vānent 9. vlnæ? Nodus Circini ad 9. applicandus est; deinde breuioribus cruribus 14. albi comprehendendi. Quoniam autem Circinus tot partes attingere non potest, 14. bipartienda, & cruribus 7. capiendæ sunt, & tunc longiora crura demonstrant, quanti vānient 9. Vlnæ, si vna vlna 7. albis vāniret: quandoquidem autem vna vlna duplo est pretiosior, proinde pretium nouem Vlnarum, nempe 2. s. 11. albi, bis capiendum est, & fient 4. s. 22. Albi. Ita quoque si vna vlna vāneat 17. albis, primo quærendum est pretium 9. vlnarum, si vna vlna 10. albis vāniret, postea si vāniret 7. albis

albis, quæ summæ deinde cumulatæ verum pretium 9. vlnarum prodent. Atque hoc modo, dato alicuius rei pretio, aut quæstione de vnitate aliqua denominata instituta, omnia exempla confestim solui possunt, quod alias per operosam multiplicationem ac diuisionem indagandum esset.

Quoniam vero in Regula proportionum, vulgo regula de Tri dicta, non semper vnitas aliqua denominata datur (vt pote vna libra, vna vlna, vna amphora &c.) & postea quæstio de pluribus instituitur; neq; è conuerso plura quædam dantur, vt de vnitate quæstio instituitur: sed interdum & plura (vt 3 2. vlnæ) dentur, vna cum pretio & de pluribus (vt pote 27. vlnis) eorumque pretio quæritur: ex sequentibus exemplis manifestum fiet, quomodo ad solutionem istorum exemplorum beneficio Circini perueniendum sit.

Sedecim libræ vaneunt 10. albis, quanti vaneunt 24. libræ? Primo nodus Circini citra vltraq; mouendus est, donec longioribus cruribus 16. in C. D. regula diuisoria comprehendentibus, breuiora crura 10. complectantur, atque tunc nullæ Circini partes obseruantur. Nodus Circini ita constituto, maioribus cruribus tertius numerus datus comprehendendus est, nempe 24. in prædicta regula diuisoria C. D. & breuiora crura dabunt 15. albos, pretium mimimum 24. librarum.

Item 6. vlnæ panni vaneunt 9. sc. quanti vaneunt 11 $\frac{1}{2}$ ? Nodus mouendus est, donec breuiora crura 6. & longiora 9. partes in regula diuisoria C. D. pariter comprehendant: postea breuioribus cruribus in 11 $\frac{1}{2}$ . constitutis, longiora 17. prodent, atque tot florenis vaneunt 11 $\frac{1}{2}$ . vlnæ, quoniam floreni cum quæstione dati sunt; si coronati dati fuissent, coronatos quoque prouenisse intelligeretur. Ex his exemplis satis patet, omnia, quæcunque per Regulam de Tri seu Proportionum in numeris quærentur, per hunc Circinum inueniri posse, si saltem in nodo Circini recte constituendo diligens fueris. Atque adeo hoc capite satis declaratus



## TRACTATUS TERTIVS

ratus est vsus huius Circini in Lineis & numeris; cui exercitatio cotidiana maiorem lucem ac dexteritatem afferet,

### CAPVT II.

*Datam Lineam Circularem in propositas  
partes diuidere.*

**Q**uemadmodum præcedens caput docuit lineas rectas diuidere, ita hoc caput docet Circulares, quæ æquali spatio à Centro distant, proportionaliter dissecare: ad quam rem inseruit superficies illa Circini, in qua adnotatū est: *Partes data ratione Lineæ Circularis diuidende.* Proposito itaque circulo diuidendo, Nodus Circini in petitam partem mouendus & longioribus cruribus semidiameter Circuli accipiēda est, & breuiora crura quæ sitam ostendent partem: vt si circumferentia in figura præcedente A. designata, in 12. partes diuidenda esset, nodus Circini ad duodecim mouendus, & semidiameter a. b. maioribus cruribus accipiēda est, tum breuiora crura dabunt duodecimam partem circumferentiæ, nempe b. c. Eodem modo data duodecima parte circumferentiæ, diameter totius circuli inueniri posset. Moto enim nodo Circini ad 12. & accepta duodecima parte breuioribus cruribus, longiora crura semidiametrum circuli dabunt.

Ita præcedentis Circuli B. circumferentia in 3. aut 6. partes diuisa est. Circuli C. autem in 4. aut 8. partes. Demum Circuli D. in 5. aut 10.

### CAPVT III.

*Datam superficiem planam in similem multiplicare aut minuere.*

**I**N altero Circini latere leguntur hæc verba: *Proportiones homologorum planorum augendo & minuendo.* Proportiones hæc de superficie.

B

ficie.

ficies planis intelligendæ sunt, deque earum multiplicatione aut imminutione, ita tamen, vt similem formam angulorum & laterum retineant, & homologæ fiant. Si enim quadrata superficies in corpus cubicum multiplicaretur, proportio subsistere non posset, quoniam corpus non tantum in longitudine atque latitudine, verum etiam in profunditate crescit. Ex quo & hoc manifestum est, etiam si corpus proponeretur multiplicandum aut minuendum altitudine eius manente, proportionem planorum ad id inutiles esse, quarum proprietas est in longitudine atque latitudine crescere aut decrecere: profunditatem autem augere aut minuere corporum est, de quibus in sequenti capite dicitur. Quoniam autem planæ superficies diuersarum formarum occurrere possunt, earum auctio & diminutio non melius quàm exemplis demonstrari potest,

*Vide figuram Num. 3.*

Sit igitur apposita superficies Circularis D. cuius diameter est A. B. in aliam circulem transmutanda, vt illa aucta quater fiat maior quam data. Primum Circini nodus in illo latere, in quo supradicta verba leguntur, ad 4. mouendus, postea Circinus aperiendus est, vt breuiora crura Diametrum Circuli A. B. capiant, tunc crura longiora diametrum c. d. quadrupli ostendent.

Longiora enim Crura semper multiplicationi et breuiora diminutioni inseruiunt, quod etiam verba ipsa, nempe verbum *augendo* in longioribus, & verbum *minuendo* in breuioribus cruribus Circini indicant. Nempe si data superficies D. quater minuenda esset, diameter A. B. longioribus cruribus accepta, diametrum c. f. minoris seu quater diminuti Circuli, breuioribus Circini cruribus ostendet, vt ex subiecta figura patet.

Quando autem superficies proposita pluries multiplicanda daretur, quam Circino hoc vna vice expediri posset, tunc numerus iste, per quem multiplicatio fieri debet, in duas, tres, quatuor aut

aut plures partes diuidentus est, donecaliquis numerorum in Circino reperitur, & isto deinde numero superficies multiplicanda est. Postea diameter, quæ provenit, in istum numerum superficies huic diametro respondens, secundum numerum, per quem numerus partium diuisus est, iterum augenda est.

Exempli gratia, sit superficies circularis E. cuius diameter A. B. quinquagies sexies multiplicanda sit. Quoniam autem hic numerus 56. in Circino non reperitur, in duas æquales partes diuidentus est, atque ita superficies primo per 28. multiplicanda, hoc modo: Nodus Circini ad istum numerum 28. mouendus. Iam dilatato Circino & breuioribus cruribus longitudine diametri dati A. B. accepta, crura longiora diametrum A. C. ostendent circuli eius, qui vicies octies maior est dato. Si deinde nodus in eadem parte Circini ad 2. admoueat, et minoribus cruribus diameter A. C. accipiat, longiora crura dabunt diametrum A. D. circuli G. dupli quidē ad circulum B. 56. maioris quam datus E. Emit quispiam aquam fontanam vno Ioachimico 32. albis æstimato, quæ in tubulo seu canali ad eius ædes ducitur, cuius canalis diameter est A. B. Iam fonte perfecto, vicinus eius partem aquæ sibi vendi petit pro vno albo, itidem in canali ad ædes ipsius duccendam, in eadem tamen proportionē pretii prioris emptionis & diametri maioris canalis A. B. cuius aqua vno Ioachimico empta fuit. Queritur iam quanta sit futura diameter tubuli pro vno albo? Primum nodus Circini ad 32. applicari debet, quoniam os circulare tubi minoris trigesima secunda pars maioris esse debet, cum aqua Ioachimico seu 32. albis empta fuit. Postea diameter A. B. longioribus cruribus accipienda est, & minora crura diametrum tubuli a. b. pro vno albo ostendent: quantum scilicet aquæ vicino in simili proportionē pretii vendendū sit vno albo.

*Figura Num. 4.*

Quemadmodum superius exemplum docuit superficiem cir-

B 2

cula.

cularem augere vel minuere: ita sequentia docebunt rectilineas superficies planas, in alias homologas, seu similes, maiores vel minores transmutare. Sit triangulus A. B. C. augendus in alium triangulum, ita, ut multiplicatus vigesies maior sit dato. Nodus Circini ad 20. mouetur, & quoniam de auctione trianguli quaeritur, breuioribus cruribus Circini latus A. B. accipiendum, & longiora crura latus trianguli vigesies maioris A. b. ostendent. Similiter & reliqua latera A. C. nimirum & B. C. trianguli, breuioribus cruribus metiri, & ad maiorem triangulum transferri possent. Sed hoc superuacaneum esset, per propositionem 2. lib. 6. Euclidis, quæ demonstrat, quod linea parallela uni lateri trianguli per triangulum ducta eum secet proportionaliter. Quapropter in dato triangulo lineæ B. C. parallela ducitur ex puncto b. quæ erit b. d. Deinde linea A. C. producitur, donec parallelam attingat in puncto d. atque his lineis triangulus describitur A. b. d. qui vigesies maius est triangulo dato, A. B. C. Et hi trianguli iuxta 4. lib. 6. Euclidis similes & homologi sunt, quoniam anguli in ambobus triangulis æquales sunt.

E Consimili modo etiam superficies 4. 5. 6. aut plurimum laterum, beneficio huius Circini multiplicantur aut minuuntur. Quoniam autem illa valde irregularia dari & occurrere possunt, ita ut lateribus in iusta proportionem constitutis, tamen figuræ seu schemata datis schematibus prorsus dissimilia proueniunt, angulis non obseruatis, ut in subiecto exemplo videre est, in quo latera quidem proportionalia; figuræ autem A. & B. plane dissimiles sunt: ideo, ne erres, primum omnium superficies eiusmodi inæqualium laterum, per 20. proportionem libr. 6. Euclidis, in triangula diuidendæ sunt per lineas, quæ ab vno angulo ad alium ducuntur, postea singuli trianguli multiplicantur, & latera, quæ in superficie proportionali seu multiplicata, rursus coniungenda sunt, ut in *proposita figura N. 5.* iuxta F. videndum: nam planities A. quadrupla est ipsius B.

Item

Item Agricola quidam emit agrum 85. Ioachimicis, cuius latera ex vtraque parte æqualia sunt, eiusque longitudo 40. perticarum, latitudo vero agri est 15. perticarum, linea vero diametralis à duobus angulis oppositis est 35. perticarum. Ex hoc agro partem aliquam simili forma, & proportionato pretio vendere vult pro 17. Ioachimicis, quæritur numerus perticarum longitudinis & latitudinis, item distantia vnus anguli ab altero opposito: In hoc exemplo primum obseruandum est, quod quoniam superficies hæc Circino comprehendi non potest, in minore figura homologa res proponenda est, quotque perticas quodlibet latus agri cōtinet, tot perticæ in regula diuisoria numerâda sunt.

Dehinc in dato pretio 17. Ioachimicorum quæritur, quanta sit diminutio? Et quoniam 17. quinta pars est ex 85. æstimatur agrum minorem quintam partem esse dati, nodus Circini ad 5. mouendus, & longioribus cruribus latus A. B. accipiendum, & minora crura latus A. b. minoris agri prodent: ita similiter A. C. maius latus dat A. c. minus latus. & eodem modo reliqua ex reliquis fient, si compendio ducendarum linearum parallelarum vti non volueris.

Atque ita hæc pars agri pro 17. Ioachimicis continet in longitudine perticas prope 18. in latitudine 6. & 12 pedes, & ex angulo A. in d. perticas prope 15 $\frac{1}{2}$ . quæ omnia beneficio regulæ diuisoriæ inueniuntur, si vnum latus diminutæ figuræ applicetur.

H Item quidam agrum habet, cui alterius cuiusdam agri angulus insertus est, ita vt figuram reddat, qualis est subiecta, A B C D E F. Hunc agrum pater aliquis liberis suis, diuidere vult, ita tamen, vt quadrantem eius filia, reliquum duo filii capiant, æqualiter inter se diuidendum. Quæritur, quomodo diuisio sit instituenda? in hoc exemplo quoniam agro aliquid decrescit, vt proinde diuisio operosior fiat, superficiei datæ rursus addendum est tantum quantum requiritur, vt quatuor rectis lineis concludatur, quod sit per extensionem linearum C. D, et A F, vt lineæ punctatæ,

B 3 quæ

quæ in G. concurrunt, ob oculos ponunt. Deinde nodus Circini fusque deque mouendus, donec longiora crura A. G. lineam, & breuiora F. G. pariter attingant: hoc facto, latus Circini, in quo adnotatum est: *planorum augendo*: indicabit superficiem additam G F E D. esse septimam partem totius superficiæ A B C G. quare reliqua, qualis addita est, sedecim comprehendit. Quoniam igitur filia quartam agri partem capere debet, quatuor harum superficierum capiet. Proinde nodus in  $\gamma$ . mouendus, & superficies G F E D. quinq̄ies augendæ. Namque si addita superficies G F E D. rursus dematur reliqua superficies H F I E K D. quarta pars est superficiæ datæ, quæ pars filiæ adiudicanda.

De reliquis 12. partibus cuique filio 6. debentur, quandoquidem æqualiter eas inter se diuidere debent: quare residuum A H B I C K. in duas æquales partes diuiditur, per motum nodi Circini ad 11. superficie enim G F E D. vndecies sumpta, 6. partes ex 17. remanent A L B C M N. atque si ab vndecies multiplicata superficie G L M N. pars G H I K. detrahatur, rursus 6. partes remanent, & proinde superficies H L I M K N. & A L B M C N. sibi inuicem æquales sunt, atque ita ager iuxta datam rationem diuisus est: & filiæ debetur quadrans A. Filiis vero partes inter se æquales H, & I.

*Figura Num. 6.*

I. Item, infra positæ figuræ quadrangulares trapeziæ iuxta adiectos numeros multiplicantur & minuuntur, resolutione eorum prius in triangula factæ.

K. Item pentagonus *ισόπλευρος* decies multiplicatur moto nodo primo in 10. & minoribus cruribus vno latere accepto: Longiora enim crura aucti pentagoni latus produnt.

Proposita superficies A B D E F. inæqualium angulorum est, & eius multiplicatio per nouem quæritur, hoc schema prius in tria triangula resoluendum est. Quod fit lineis A D. & A E. Versus G. & H. infinite extensis (quâuis nihil referat, qui anguli lineis trans-

transuersalibus connectantur.) Iam Circini nodo in 9. moto, & breuioribus cruribus latus A B. acceptis, longiora dant multiplicatum latus A C. similiter accipiendæ sunt rectæ A D. A E. & A F. quæ in maiores A G. A H. & A I. multiplicantur. Demum rectæ iungantur puncta, C G. G H. & H I. eritque superficies A C G H I. noncupla superfici ei datæ A B D E F.

Quemadmodum initium huius capituli docuit superficies circulares in maiores multiplicare, easque etiam tantæ magnitudinis, ut Circinus eas non caperet: ita etiam superficies multilateræ per supradictam diuisionem multiplicantur.

Exempli gratia, si multilatera aliqua superficies centies quadrages quater esset multiplicanda: numerus hic diuidendus est in minores, donec horum aliquis in Circino reperiatur: ut si 144. in duas distinguatur partes, quælibet erit 72. Quoniam autem neque hic numerus in Circino reperitur, 144. in tres partes diuiduntur, ut horum quælibet sit 48. ad hunc numerum Circini nodus mouendus, & data superficies quadrages octies multiplicanda: Deinde, quoniam hic numerus in 144. ter continetur, inuenta superficies ter multiplicanda, quæ est superficies data superficie centies quadragesies quater maior. Potuisset idem numerus in 12. diuidi, & motu nodi Circini in 12. eadem via quæ sita superficies inueniri, multiplicando primum datam superficiem in 12. atque hanc inuentam, immoto manente nodo, rursus in duodecim. Duodecies enim 12. sunt 144. Atque ita superficies data eodem modo, ut prius, multiplicata est: Quod compendium in omnibus numeris quadratis locum habet: ut in numero 169. mouendo nodum Circini in 13.

*Pro conclusione videatur Figura num. 7.*

L. Porro, quia hoc caput multiplicationem & diminutionem similium superficialium per exempla aliquot docuit, placuit etiam viam ac rationem addere, qua, beneficio huius Circini, homologa plana addi & subtrahi possunt. Exempli gratia, sint duo

B 4 qua-

quadrata  $ABCD$ . &  $EFGH$ . addenda inuicem in simile quadratum. Principio nodus Circini fusque deque mouendus est, donec longiora crura  $CD$ . latus quadrati maioris, & breuiora  $GH$ . latus minoris quadrati patiter comprehendant: & nodus Circini indicabit, quoties vnum quadratum altero maius sit, nempe sexies. Quoniam igitur maius quadratum minus sexies continet, & hæc inuicem addenda sunt, quadratum proueniens quadratum minus  $EFGH$ . septies in se continebit: proinde nodus in 7. promouendus, & quadratum  $EFGH$ . septies multiplicandum: quod fit accipiendo breuioribus cruribus latus  $GH$ . Nam longiora crura latus  $IK$ . quadrati quæ sit, septies aucti, ostendent, quod proueniens quadratum est quadratorum cumulatorum summa.

M. Si verò quadratum  $EFGH$ . de quadrato  $ABCD$ . subtrahendum esset, hic sexta pars ex quadrato  $ABCD$ . demenda, quemadmodum prius sexta pars addita fuit, vt reliquū quadrati quinque minora quadrata contineat. Deinde nodus Circini non vt prius, sed retro mouendus in 5. & ita quadratum  $EFGH$ . in 5. multiplicandum. Accepto itaque minoribus cruribus latere,  $F.G.$  longiora crura quadratum  $M$ . ostendunt, quod residuum est quadrati  $A.B.C.D.$  minore ab eo subducto.

N. Subiectæ triangulares & homologæ superficies 1. 11. 111. sibi inuicem addi debent. Nihil refert, etiamsi latera triangulorum inæqualia sint, sed satis est illa latera sumere, quæ æqualibus & similibus angulis subtenduntur. Exempli gratia, si nodus Circini ita constituatur, vt crura Circini minora latus  $A. b$  comprehendant, maiora latus  $b. c.$  attingant ( hæc enim ambo latera æquales angulos  $G$  &  $h$ . subtendunt ) & nodus Circini inueniatur in puncto 8. tunc promoti nodo ad sequens, nempe 9. accipiat & breuioribus cruribus latus  $A. b.$  & longiora dabunt latus  $c. d.$  ex quo si similis triangulus describatur, quantitas duorum primorum triangulorum innotescit.

Quoniam



Quoniam autem etiam tertius triangulus addendus est, superuacaneum esset triangulum describere: sed nodus Circini rursus mouendus est, ut breuiora crura latus c. d. tertii trianguli comprehendant, & longiora latus c. d. tunc nodus Circini indicabit  $12\frac{1}{4}$ . Proinde vno numero promouendus, & in  $13\frac{1}{4}$  constituendus: tunc longiora crura dabunt C. f. & breuiora c. d. Et quoniam nihil amplius addendum est, ex linea illa similis triangulus describatur, hoc modo: Breuioribus cruribus latus d. k. accipiat, longiora crura dabunt latus f. L. similiterque c. k. dabit c. L. efficitur triangulus C. f. L. æqualis tribus reliquis triangulis 1. 1. 1. simul sumptis.

O. Tamen si in hoc capite de proportionibus planorum augendis & minuendis tantum egerimus: simili modo tamen aliqua etiam corpora multiplicari & minui possunt, ut in *Figura Numer. 8.* videre est. In qua esto amphora rotunda, litera A. designata, continens mensuram vnam, cupio amphoram similiter rotundam quæ capiat mensuras 2. 3. vel 4. quæ ibidem signantur literis B. C. D. Pro amphora B. collocetur nodus in latere Circini, vbi scriptum est: *Planorum augendo*: ad numerum 2. deinde minoribus cruribus accipiat diameter orificii amphoræ A. datæ, tunc crura longiora intercipient quantitatem diametri amphoræ B. continentem 2. mensuras, pro amphora C. reducat nodus ad numerum 3. fiat progressus de A. ad C. ut iam de A. ad B. docuimus. Sic quoque pro amphora D. reducto nodo ad 4. & sic deinceps.

Vt iam amphoræ mensuras multiplicauimus, ita easdem diuidere aut minuere quoque licet. Exempli gratia, in eadem figura. Si quæratur amphora, capiens quartam partem mensuræ, ponatur nodus ad 4. & longioribus cruribus accipiat diameter A. minora crura dabunt diametrum amphoræ G. quæ continet quartam partem mensuræ. Si quæratur amphora capiens  $\frac{1}{2}$  mensuræ, fiat primum amphora trium mensurarum, ut antea dictum,

C


quæ

quæ est litera C. designata. Deinde, huius inuentæ quæraturs pars quarta per diuisionem, vt similiter docuimus, inueniemus diametrum orificii amphoræ, capientis  $\frac{1}{4}$ . mensuræ.

Idem iudicium de omnibus aliis corporibus eiusdem inter se altitudinis, æqualesque angulos habentibus, vti septem ponderibus in Figura delineatis, habito solo respectu longitudinis & latitudinis. Sic quoque in fontibus.

Etenim si fons sit sex laterum, notatus 11. in Figura 8. qui per canalem acceptâ aquâ repleatur spatio duarum horarum; libeatque construere alium, eiusdem omnino altitudinis, ac similis basis, ac orificii, qui spatio vnus horæ aqua eundem canalem accepta repleatur, ita operabere: Nodus Circini ponatur ad numerum 2. maioribusque cruribus comprehendatur latus vnum orificii fontis propositi, tunc crura minora dabunt latus orificii fontis quæsitum, in prædicta Figura num. 8. caractere 1. notati.

Et vt de ponderibus in Figura num 8. notatis, diximus, apposita Figura docet pondus constructum super basè quadrangula ABCD. esse triplum ponderis constructi super basè BEFG. si modo eiusdem fuerint altitudinis.



#### CAPVT IV.

*Datum corpus in similia augere & minuere.*

**P**OST iam explicatam Circini partem sequuntur proportionēs homologorum corporum augendorum & minuendorum. Quem-

Quemadmodum autem *linea* longitudinem tantum: *superficies* longitudinem & latitudinem; ita *corpus*, tanquam perfectius, longitudinem, latitudinem atque profunditatem habet: proinde in corporibus, longitudo, latitudo atque profunditas metienda, quod fit beneficio istius partis huius Circini, in qua annotata sunt verba ista: *Proportiones corporum augendo atque minuendo.*

*Vide Figuram Num. 9.*

p Sit, exempli gratia, *Globus* A B. quinquies multiplicandus, hoc fit mouendo nodum Circini in 5. & breuioribus cruribus diametrum A B. accipiendo. Longiora enim crura dabunt diametrum globi quiniies multiplicati C D. Similiter etiam diminutio fieri posset, si longioribus cruribus diametrum globi A B. minuendi accipias. Breuiora enim minuti diametrum E F. quiniies minorem dabunt.

q Quia vero sepe numero desideratur magnitudo globi plumbei, ferrei, lapidei, similisue alicuius, secundum pondus & diametrum, fiat globus diametro A B. notatus hic litera T. è plumbo, ferro vel stanno, globus ille pendatur, & exempli loco repetio, globum illum 45. libras pendere, globi illius diametrum accuratè sumo, vt A B. postea nodum moueo ad 45. & cruribus longioribus Diametrum A B. sumo, breuia dabunt diametrum C. D. quæ debetur vni libræ, in eo genere materiæ, ex qua globus confectus fuerit.

Postquam ad libram vnā perueni, cupio diametros à 2. 3. 4. & vltèrius vsque ad 125. libras adipisci, pono primo nodum in 2. & sumo breuioribus cruribus diametrum C D. globi libræ vnus, longiora crura dabunt mihi diametrum globi duarum librarum. Si deinde breuioribus cruribus, manente nodo, sumpsèro diametrum librarum duarum, tunc longiora dant diametrum globi 4. librarum, & vltèrius, de 4. consequimur 8. &c.

Similiter si nodum moueo ad. 3. & sumo diametrum C D.

C 2

globi

globi 1. lib. breuioribus cruribus, tunc longiora crura dant mihi diametrum globi trium librarum.

Deinde accipio diametrum globi 3. librarum cum breuioribus cruribus, manente nodo, longiora crura dant mihi diametrum globi, qui 9. pondo habeat. Ita vltcrius progredi licet.

Iuxta doctrinam præcedentis capituli de rotundis superficiebus, omnia corpora magis magisque augeri possunt, vt ipse Circinus demonstrat, quare superuacaneū foret id denuo hic inculcare. Si etiam globus, aut aliud corpus tam magnum daretur, vt diametrum eius Circinus attingere non posset, Regula diuis. vt in planis dictum, vtendum erit, & quot pedes aut digitos diameter mensurata continet, totidem partes lineæ dinumerantur, & multiplicatio per partes faciendā est.

R. Item, duo globi dentur E H. & G H. quorum vnus nempe E H. 24. libras continet, hic queritur quā grauis sit globus G H. qui ex eodem metallo, ex quo prior, fusus est. In hoc exemplo nodus Circini non primum ad certum numerum ponitur, sed tanrisper, clauso Circino, vltraq; citraq; mouetur, donec duo longiora crura maiorem diametrum attingant, breuiora autem in finitione minorem diametrum terminent.

Nodus ita directus in latere indicabit, qua proportionē vnus superet alterum, vt in hoc exemplo quater, quo indicatur, globum G H. quater minorem esse, quam E H. cuius pondus fuit 24. lb. sicque hic quartam eius ponderis partem habebit, nempe 6. lb.

*Figura Num. 10.*

Absoluto Corpore rotundo, deinceps quinq; corpora sequuntur, quæ à Geometris regularia nominantur.

1. Primum corpus regulare est *Pyramis*, quæ continetur 4. superficiebus rectilineis, quarum quælibet tribus æqualibus lateribus clauditur.

2. Alterum est *Cubus*, qui continetur sex quadratis rectilineis superficiebus.

3. Ter-

3. Tertium dicitur *Octaëdrum*, & (vt ipsum nomen præ se fert) octo triangulis æquilateris clauditur.

4. Quartum *Dodecaëdrum* est corpus regulare, quod 12. pentagonis absolvitur.

5. Quintum est *Icosaëdrum*, quod viginti superficiebus æquilateris triangularibus continetur.

S. Sit Pyramis A.B.C. in homologum corpus, hoc est, in Pyramidem (cuius itidem omnia latera, superficies & anguli æquales sunt) minuenda, ita vt minuta terminor sit datâ. Primum nodus Circini in 3. mouendus, & longioribus cruribus latus A. B. accipiendum, & breuiora dabunt latus D.E. in minuto corpore homologo.

Item Cubus num. 1. octies multiplicatus est in Cubo nu. 6.

Octaëdrum num. 7. septies minuitur in 1.

Dodecaëdrum I. angulis A B C D E, nonies augetur in 9.

*Figura Num. 11.*

Icosaëdrum A. sexies multiplicatur in B.

Notandum quod corpora regularia hoc compendii præbent, vt vno latere inuento, statim totum corpus describi possit: sed in irregularibus omnia latera singulariter metienda & quærenda sunt, & si necessitas exigat, operandum est lineis ab angulo ad angulos demetiendos, vt in tertio capite factum est, vbi recti linearum superficies triangulis distinctæ fuerunt.

*Sequuntur aliquot exempla Corporum irregularium, ex quibus multiplicatio & diminutio facile intelligi potest.*

T. Sit aliquod Corpus quatuor superficieum triangularium, quarum latus basis est a. b. latus vnus reliquarum superficieum est a. d. Si itaq; huius *pyramidis irregularis* quærat decupla & similis, nodus ponatur ad numerum 10. & minoribus cruribus accipian-

C 3

cipian-

cipiantur ordine latera singula minoris pyramidis, & eodem ordine crura maiora dabunt latera maioris pyramidis A B C D.

Eadem ratio in *Cono*, vt ostendit Figura, in qua signatus E F G H, septies minuitur.

V. Sic quoque in *Prismate*, vt docet schema, quod Prisma a B C D e f. exhibet quintuplum A B C D E F.

*Sequitur Figura Num. 11<sup>1</sup>/<sub>2</sub>.*

X. Quinetiam si corpora omnino difformia, nec certis legibus definita constituentur, si tamen arte liceat venari quantitatem laterum, aut partem eorum, deinde similia fingere, licebit beneficio Circini eadem corpora multiplicare & minuere, vt videre est in Cyathis & proculis propositis, *Cono* similibus, in figura num. 11<sup>1</sup>/<sub>2</sub>. in qua cyathi & coni tum minuuntur, tum multiplicantur in cyathos & conos similes, eiusdem omnino formæ.

*Figura*

*Figura Num. 12.*

Quemadmodum in capite tertio ostensum est, quomodo superficies planæ addi atque subtrahi debeant: ita iam dicimus, eodem modo corpora similia addi, & à se inuicem subtrahi, ut corpus homologum remaneat.

W. Si itaque duo rotunda corpora A B. & C D. addi debeant, primum per modum nodi Circini exploratur differentia duorum globorum, seu quantum vnus globus alterum excedat: ut hic globus C D. ter est maior globo A B. Quandoquidem ad hoc triplum adhuc vnum, nempe A B. addendum est, Nodus circini mouetur in 4. & ita globus A B. fiet quadruplus, cuius diameter erit E F. quæ est summa duorum globorum A B. & C D. Simili modo etiam alia corpora adduntur aut subtrahuntur,

## CAPVT V.

*Proportionem diametri ad circumferentiam suam  
inuenire.*

*Vide eandem figur. 12.*

EX altero Circini latere annotata sunt hæc verba: *Diameter* | *Peripheria*. Inter duo ista vocabula linea ducta est, ad quam si nodus Circini dirigatur, cuiusq; dati diametri ratio ad suam circumferentiam inuenitur, idque hoc modo: Circinus aperiendus, & breuioribus cruribus diameter A B. accipienda, & longiora crura dabunt circumferentiam in linea recta C D.

Contra, data circumferentia, eaque longioribus cruribus accepta, breuiora crura dabunt diametrum.

Ita etiam, si semidiameter accipiat, prouenit dimidia circumferentia.

Quid quæris? quomodo se habet accepta pars diametri ad totum diametrum: ita se habet accepta pars peripheriæ ad totam peripheriã, ut si sexta pars diametri minoribus cruribus sumatur, sexta quoq; pars circumferentiæ maioribus cruribus proueniet.

C 4 Cap. VI.

*Circularem aut quadratam, aut triangularem superficiem planam in se inuicem transferre.*

**T**Ransmutatio Circularis quadratæ aut triangularis superficiei in se inuicem, beneficio huius Circini hoc modo perficitur. Primo superficies transmutanda, simulque ea in quam transmutari debet, pariter quærenda est in illa Circini parte, in qua annotata sunt verba, *Reductio planorum*, & sculptæ sunt hæ superficies  $\odot$ .  $\square$ .  $\Delta$ . postea nodus Circini mouendus est ad lineam illam, quæ inter duas istas figuras ducta est: & cruribus illis, quæ versus datam superficiem in Circino depictam vergunt, superficies delineanda est, & reliqua crura ex altera parte dabunt magnitudinem superficiei quæ sita seu transmutata.

*Figura Num. 13.*

Exemplum, sit rotunda superficies A. B. in quadratum transmutanda, manente eadem magnitudine, quare ambæ superficies  $\odot$ .  $\square$ . in Circino quærendæ sunt iuxta se positæ, & nodus Circini ad lineam inter illas Figuras ductam mouendus. Et quoniam rotunda  $\odot$  superficies versus crura breuiora sculpta est, istis breuioribus cruribus diameter Circuli A. B. est metienda, & longiora crura dabunt latus C. D. quadrati, quod dato Circulo æquale est, & sic de  $\Delta$  |  $\square$ . aut  $\Delta$  |  $\odot$ .

Item ambulacrum est circulare latitudinis A. B. siue C. D. idque lapidibus planis stratum, qui inde auferri & iisdem pavimentum in planitie triangulari e f G. sternendum est. Quæritur, an ad id faciendum lapides isti, vel quatenus sufficiant? In hoc exemplo quoniam superficies circularis non vndiquaque strata est, sed in medio spatium circulare habet liberum, non potest illa superficies in triangulum transmutari, nisi prius Circulus aliquis plenus accipiatur, qui æqualis sit magnitudinis cum ambu-



ambulacro illo: qui hac ratione inuestigatur. Primum nodus Circini fusq; deque mouendus est, donec longiora crura diametrum B.D. & breuiora diametrum A.C. pariter metiantur, & nodus ex illa parte Circini, in qua sculpta sunt verba: *Planorum augendo*: indicabit, quantum superficies A.C. à superficie B.D. decedat, vt tota lapidibus non sit strata, nempe pars tertia.

Quandoquidem igitur tota circularis superficies B. A. C. D. liberam superficiem A. C. ter in se continet, vt nodus Circini indicauit, ambulacrum stratum A. B. liberam superficiem rotundam A. C. bis in se cōtinebit. Quare nodus Circini rursus in parte illa: *Planorum augendo*: ad 2. mouendus, & breuioribus cruribus superficies A. C. accipienda, & longiora crura dabunt diametrum circuli E. F. qui æqualis est strato ambulacro A. B. Hac æqualitate inuenta, facile iam est superficiem hanc circularem in triangularem transmutare, quoniam triangulare pauimentum lapidibus inde ablatis sternendum quæsitum est. Proinde nodus Circini ad lineam intra  $\odot$  &  $\Delta$ . mouendus est, & breuioribus cruribus (quoniam breuiora crura illa ex parte sunt, in qua  $\odot$ . est sculptus) diameter E. F. accipienda, & longiora crura dabunt e. f. latus trianguli æquilateri, qui æqualis est circulo. Quare hoc latus inuentum triangularem pauimento dato e. f. g. applicandum est: sicque cognoscetur, quatenus lapides isti plani ambulacri rotundi, ad sternendum pauimentum triangulare sufficiant, nempe ad triangulum e. f. g.

Item fossa quædam est post mœnia cuiusdam vrbis, quæ profunda lataque est, vt figura I K L M. ostendit. Huius fossæ terræ aggestâ agger fieri debet longitudine fossæ æqualis, sed forma triangulari æquilatera, ita tamen, vt extremus angulus non compleatur, sed in summitate quasi resectus videatur, vt in præcedenti figura G H. videre est, ita vt superior superficies tertia pars sit basis A. C. Quæritur iam quanta sit futura latitudo aggeris, quam altè terra cumulanda, ita vt nihil superfit neque deficiat, manente ea-

D

dem

dem fossæ longitudine. In hoc exemplo primum obseruandum est: Quamuis fossa & vallum seu agger per se considerata corpora sint, quia tamen vna dimensio, longitudo nempe, (quæ immutabilis manere debet) tollitur, propositionibus planorum vtendum esse. Si enim vt corpora transmutari deberent, fieri non posset, quin etiam longitudo mutaretur, vt initio Capitis tertii dictum. Vt igitur quæstio propositi exempli quàm facillime expediatur, quadratum  $IKLM$ . quod profunditatem & latitudinem fossæ repræsentat, in triangulum æquilaterum transmutandum est. Quapropter moto nodo Circini ad lineam intra  $\square. \Delta.$  & apertis longioribus Circini cruribus à puncto  $K$ . ad  $M$ . breuiora crura latus trianguli æquilateri  $ABC$ . dabunt, quod dato quadrato  $IKLM$ . est æquale.

Iam si vallum angulis suis complendum esset, res esset expedita, nec quidquam vterius quærendum esset. Quoniam vero superficies superior plana, & tertia tantum pars basis esse debet, sequens operatio instituenda erit.

Primum tertia pars abscindenda est à linea  $BC$ . &  $BA$ . quoniam basi  $AC$ . æquales sunt, quæ partes notatæ sunt literis  $DE$ . atque puncta  $D$ . &  $E$ . per rectam lineam cōnectenda, quæ æqualis erit lateribus,  $BE$ . &  $BD$ . atque proinde tertia pars basis  $a$ .  $c$ . Ex quo manifestum est, vallum in tali forma constituendum esse, quam superficies plana  $ADE$ . exhibet. Quandoquidem triangulus abscissus adhuc restat  $BDE$ . is planæ superficiei  $ADE$ . addendus est, ita tamen, vt per additionem hanc planum simile plano  $ADE$ . proueniat, quod fit, nodo Circini susque deque moto, donec longiora crura latus  $B$ .  $C$ . & breuiora latus  $B$ .  $E$ . pariter attingant: postmodo nodus Circini indicabit in illo Circinilatre, in quo sculptum est: *Planorum augendo*: triangulum illum  $BDE$ . nonam esse partem totius superficiei  $ABC$ . Vnde sequitur, planam superficiem  $ADE$ . octo horum triangulorum seu partium  $BDE$ . continere.

Quoniam

Quoniam igitur vallū simile esse debet plano A. D. E. C. octaua pars iam dicti plani quærenda est in homologa figura, idq; fit per motum nodi Circini in 8. & accipiendo longiorib. cruribus latera A D. D E. E G. & C A. breuiora dabunt figuram a. d. e. c. quæ superficies octaua pars est superficiei A D E C. æqualis quoque est triangulo B D E. siquidem superficies A D E C. etiam octo superficies æquales B D E. in se continet. Tandem, quia homologum planum, seu congestio valli 9. triangula æqualia B D E. comprehendere debet, inuenta superficies a. d. e. c. in nouem multiplicanda est, quod fiet mouendo Circini nodum in 9. & accipiendo breuioribus cruribus latus c. a. longiora namque dabunt latus C F. nempe basin valli, quo vsque illud produci debet; postea latus c. e. dat C H. seu F G. quæ sibi inuicem æqualia sunt: Latus e. d. prodit latus H G. Si itaque vallum istam in longitudinem congeratur, quam superficies F G H C. ostendit, eandem cum fossa longitudinem retinebit, neque de terra ex fossa quicquam supererit, neque deficiet.

## CAPVT VII.

*Datum globum & quinque corpora regularia in se inuicem transmutare.*

*Figura 14.*

ILLud latus Circini, cui lineolæ cum literis aliquot insculptæ sunt, inseruit transmutationi globi & reliquorum corporum regularium, quæ in capite quarto enumerata, & schematibus ob oculos posita sunt. Literarum autem hæc est significatio. G. *Globum*, P. *Pyramidem*, C. *Cubum*, O. *Octaëdrum*, D. *Dodecaëdrum*, I. *Icosaëdrum* denotat. Transmutatio autem horum corporum eodem modo, vt in planis fit, mouendo nodum Circini ad lineam inter duas harum literarum ductam. Literæ autem hæc in Circino sculptæ præ se ferunt quinque tantum transmutationes, quasi nimirum Globus & quinque regularia corpora in Cubum, non autem

in se inuicem transmutari possint: exempli gratia, Globus in Pyramidem, Octaëdron, Dodecaëdron aut Icosaëdron immediate transmutari nequit. Quod tamen non minus, quam illud fieri potest, si datum corpus primo in Cubum, & hunc in corpus quæsitum transmutaueris, vt ex sequentibus exemplis videre est.

Sit Globus aliquis in Cubum, manente eadem quantitate, transmutandus. Primo Circini nodus ad lineam, quæ inter literas G C. ducta est, mouendus, & quia dati corporis litera, nempe G. versus breuiora crura Circini reperitur, isdem etiam diameter dati Globi est metienda, & longiora crura dabunt latus Cubi. Si vero Globus in Pyramidem transmutari debuisset, primo is iam dicto modo in Cubum transferendus, postea mouendo Circini nodum ad lineam inter C P. ductam, & acceptis breuioribus cruribus (quandoquidem illa ex parte litera C. inuenitur) vno latere Cubi, longiora crura latus Pyramidis dabunt, atque hæc tria corpora, Globus, Cubus & Pyramis, sibi inuicem æqualia sunt.

Sit Icosaëdron, cuius vna superficies A B C. in Dodecaëdron D E F G H. transmutandum. Primo corpus datum in Cubum transformandum, quod fit, mouendo nodum Circini ad lineam, inter literas I. C. ductam: Inde longioribus cruribus (quoniam litera I. ea crura respicit) vnum Icosaëdri latus accipiendum A. B. & statim per breuiora crura manifestum fiet latus Cubi A B. Atque hic Cubus porro in Dodecaëdron transferendus, mouendo Circini nodum ad lineam intra literas C D. atque ita Dodecaëdron D E F G H. dato Icosaëdron A B C. æquale erit.

*Item in figura Num. 15.*

Cubus A. de Globo B. subtrahi debet, vt Pyramis remaneat. Principi Globus B. in Cubum E. transferendus, & ab eodem Cubus A. subtrahendus est: Cui Cubus residuus æqualis erit, (quoniam Cubus E. duplex est Cubi A.) Is Cubus residuus postea in Pyramidem D. transformandus est.

Subiecta Pyramis A. in duo corpora æqualia diuidi debet,  
vt al-

vt alterum sit Icosaëdrum, alterum Globus. In hoc exemplo Pyramis in duo diuiditur, per motum nodi in 2. in illa Circini parte, in qua annotata sunt verba: *Corporum augendo*, & proueniet Pyramis B. quæ dimidia est Pyramidis A. hinc pyramis B. in Cubum B. transformatur, qui postea primum quidem in Icosaëdrum G. tandem vero in Globum D. transmutatur. Atque ita globus D. & Icosaëdrum G. simul sumpta, æqualia sunt Pyramidi A.

Ex quibus omnibus patet, beneficio huius Circini non solum Globum in Cubum, sed etiam corpora regularia facilimo negotio in sese inuicē transformari posse. Reliquorum corporum irregularium reductiones, quæ inæquales superficies & angulos habent, & proinde infinitis formis dari possunt, hoc Circino comprehendere & expedire impossibile fuit. Nam (vt ex omnibus exemplis huius descriptionis apparet) Circini huius vsus tantum est illis in rebus, quæ in vniformi aliqua proportionē constitutæ sunt. Sic in diuisione lineæ partes certa proportionē totum respiciunt: similiter inuentæ lineæ ad datas proportionatæ sunt. sic in multiplicatione & diminutione planarum superficierum & corporum, semper certus numerus præsupponitur, iuxta quē multiplicatio aut diminutio fieri debet. Non minus etiam proportio aliqua obseruatur in superficieribus & corporibus, respectu illorum, in quæ transformari debent. Vnde hic Circinus non male Circinus proportionalis dici potest.

Hi itaque septem præcipui vsus huius Circini, qui in descriptionis huius fronte positi fuerunt, partim explicati, partim exemplis demonstrati sunt. Quoniam vero casus multipliciter & infinitis propemodum modis obuenire possunt, impossibile fuit descriptionem omnium minutatim persequi.

Crebra autem & quotidiana exercitatio ac experientia vsum huius Circini pleniorē faciet, & viam aperiet ad multo plura magisque ardua, beneficio huius Circini, inuenienda.


*Breuitas memoria amica.*











---

---